

NAMA INOVASI:
**BUKU INOVATIF WAKAF SIRI 3:
WAKAF TUNAikan DENGAN FAHAM
(WTF)**

ID: 39

Oleh:

MOHD FAIZAL NOOR BIN ARIFFIN



ABSTRAK

Membaca secara intensif adalah amalan yang sangat penting. Pada masa kini, bahan bacaan akademik wajar dipersembahkan dengan pendekatan yang lebih santai, ringan dan mudah difahami supaya boleh diakses dengan inklusif oleh khalayak. Ketepatan fakta dan kebenaran isi kandungan buku mesti tetap dipertahankan. Berasaskan kombinasi dua ciri penting tersebut, buku ini diperkenalkan. Ia adalah sebuah penulisan separa akademik yang bersifat inovatif, santai dan ringan. Subjek dan tema utama buku ini ialah wakaf. Buku ini diberi judul "Buku Inovatif Wakaf Siri 3: Wakaf Tunaikan dengan Faham (WTF)". Karya ini adalah kesinambungan kepada *e-book* Buku Inovatif Wakaf Siri 1 dengan tajuk "Buku Akademik Ringan dan Santai: Wakaf Tunaikan dengan Faham (BARiSan: WTF)" dan buku bercetak Buku Inovatif Siri 2: Wakaf Tunaikan dengan Faham (WTF). Pendekatan penulisan seperti ini tidak bermaksud merendahkan kedudukan dan nilai sesebuah karya akademik. Tujuan utama buku ini ialah memudahkan kefahaman dan memberikan kesedaran awam tentang wakaf. Ini adalah buku bercetak dengan anggaran kos jualan sekitar RM 5.00 – RM 10.00 sebuah. Antara kandungan buku ini seperti pengenalan wakaf, cerpen wakaf, teka silang kata wakaf, cari perkataan tersembunyi, komik wakaf, kumpulan puisi wakaf dan lain-lain. Dengan penampilan, kandungan dan harga seperti ini, ia dijangka berpontensi untuk dijual dalam pasaran. Semoga buku ini akan memvariasikan lagi genre buku di pasaran serta memberikan manfaat yang maksimum kepada semua khususnya berkaitan wakaf di samping menggalakkan budaya membaca dan menulis. Dicapangkan elemen elektronik seperti AR (*augmented reality*) ditambah dalam karya yang akan datang.

Kata Kunci: Buku inovatif, wakaf, penulisan kreatif, Pendidikan Islam, amalan membaca dan menulis.

PERNYATAAN MASALAH

Stigma dan persepsi negatif terhadap bahan bacaan ilmiah yang sering digambarkan sebagai berat, kompleks dan mengandungi banyak jargon wajar ditangani secara konstruktif. Para ilmuwan dan pengkarya seharusnya tampil secara prolifk dengan idea dan strategi penulisan yang lebih segar serta inovatif. Ini tidak bermakna ketetapan fakta dalam sesebuah karya akademik boleh dikesampingkan. Bagi mengkombinasi dan mengsinergikan kedua-dua situasi tersebut, buku ini direalisasikan sebagai sumbangan kecil untuk mengangkat karya-karya ilmiah agar malar relevan dalam kalangan khalayak. Buku yang berciri inovatif dan bersifat inklusif khususnya berkaitan wakaf dipersembahkan untuk tatapan pembaca.

ELEMEN INOVASI (NOVELTY)

Sebuah karya inovatif yang membicarakan tentang wakaf. Fakta ilmiah ditampilkan dalam bentuk yang santai dan ringan supaya lebih mudah difahami oleh para pembaca. Pendekatan penulisan adalah secara bersahaja dan bercerita yang berisi fakta. Metode penulisan sebegini bagi menambah nilai inovasi dan mempelbagaikan gaya persembahan karya akademik agar lebih segar. Antara kandungannya ialah cerpen wakaf, puisi wakaf, kuiz wakaf dan sebagainya. Diharapkan penampilan buku ini akan menarik minat para pembaca dengan harga mampu milik.

IMPLIKASI DAN SIGNIFIKAN

- 1) Menampilkan buku akademik pada harga mampu milik (RM5.00 - 10.00).
- 2) Dihasilkan dengan saiz yang mudah dibawa dan boleh dibaca di mana-mana.
- 3) Menarik minat pembaca untuk membaca karya akademik berkaitan wakaf.
- 4) Menyebarluaskan informasi tentang wakaf dan menggalakkan amalan berwakaf.

CADANGAN PENAMBAHBAIKAN

- 1) Menerbitkan pelbagai buku atau *e-book* dengan genre seperti ini untuk subjek dan tajuk yang lain.
- 2) Terapkan elemen TMK seperti AR dan sebagainya.

PENGENALAN

Buku ini diberi judul "Buku Inovatif Wakaf Siri 3: Wakaf Tunaikan dengan Faham (WTF)". Ini adalah kesinambungan buku siri 1 "Buku Akademik Ringan dan Santai (BARiSan): Wakaf Tunaikan dengan Faham (WTF)" dan buku siri 2. Buku ini adalah bacaan alternatif separa akademik yang membicarakan tentang wakaf. Ia masih mengekalkan ciri utama buku siri 1 dan 2 iaitu berbentuk ringan dan santai tanpa meremehkan ketepatan fakta. Semoga kehadiran karya yang kerdil ini menambahkan lagi warna dan rasa dunia buku untuk dinikmati oleh pembaca.

MATLAMAT

Menghasilkan sebuah karya separa akademik yang berciri inovatif, kreatif, ringan, santai dan mesra pembaca dengan harga mampu milik tanpa menafikan ketepatan fakta.

Muka depan buku

**BUKU INOVATIF
WAKAF SIRI 3:
WAKAF TUNAikan
DENGAN FAHAM
(WTF)**

MofahA

ANUGERAH:

Buku Siri 1: Anugerah Perak Pertandingan Inovasi Singgahmata 2012 (Kebangsaan)

Buku Siri 2: Anugerah Gangsa Pertandingan Inovasi e-SPEDIP 2021 (Kebangsaan)

Metodologi

Pendekatan: Kualitatif (analisis kandungan)

Kutipan data: Analisis dokumen

Analisis data: Deskriptif